

17 52

國民政府軍事委員會經過紀實

民國十八年八月
參謀本部印

101
133
18

99



國民政府軍事委員會經過紀實序

十六年秋 蔣總司令去國將北伐軍事全權付託於軍事委員會於是全國軍政軍令悉歸軍事委員會負責辦理

此時共黨搗亂于後方孫傳芳乘機偷渡大江南北形勢緊張本會常務委員李宗仁白崇禧與應欽以蔣公瀕行付託之重全國民衆屬望之殷聯絡指揮所屬部隊嚴密設防從容應戰每日相偕親臨本會批閱機要文電籌畫作戰方略龍潭告捷大敵遂摧首都危而復安此固

先總理在天之靈有以庇蔭呵護之而本會各職員于隆隆砲聲中勤慎從公昕夕罔懈一本先總理大無畏之精神與惡劣環境搏擊奮鬪故卒能獲得最後之勝利也

甯漢合作國府改組本會內部組織亦稍有變更十一月西征事起第二三四路總指揮部節節向上游推進十二月第一路軍繼續北伐連克蚌埠徐州本會統籌全局指揮各軍挽粟飛芻籌餉濟械全部職員除分調隨軍服務外其在後方者秉承 國府命令運籌策畫因應機宜毋敢暇逸

十七年春第四次中央執監全體委員會議開會于首都議決改組國府及本會並舉 國民革命軍總司令蔣公復任本會主席內部一切組織多仍從前舊制改組甫竣第二期北伐全軍已分向直魯豫晉猛勇

進取未幾 蔣主席赴前敵督師後方會務由李代主席濟深與 應欽代爲負責督率全體官佐秉承主席命令辛勤服務無怠無荒遇重大事件則召集常務委員會議磋商解決前後方軍情既得息息相通戰具饟糈固有匱廢而後方治安之責尤力求縝密完善務使反動份子及不逞之徒無所施其計雖外交多難強鄰出兵而遺大投艱忍負重卒使北伐全功于最短期間克底完成

平津底定軍事告終全國已入訓政時期本會遵照中央執監委員第五次全體會議決議案改組所有各廳部處職員均分別併入參謀訓練軍政各部本會職權于此告一總結束軍事整理綱舉目張黨國前途日益發皇光大可預卜也

各職員僉議于本會結束後彙輯經過事實刊印成冊永留紀念並于其將付梓也來索序言於余因就本會于軍事時期中完成之幾項重要工作述其概略如此

何 應 欽 十八、三、十四、

國民政府軍事委員會經過紀實目錄

① 本會系統表及經過紀實

② 常務委員辦公廳系統表及經過紀實

③ 參謀廳系統表及經過紀實

④ 軍政廳系統表及經過紀實

1 軍務處系統表及經過紀實

2 交通處系統表及經過紀實

3 軍械處系統表及經過紀實

4 軍醫處系統表及經過紀實

5 軍法處系統表及經過紀實

6 航空處系統表及經過紀實

⑤ 總務廳系統表及經過紀實

⑥ 經理處系統表及經過紀實

⑦ 審計處系統表及經過紀實

⑧ 政治訓練部系統表及經過紀實

⑨ 營房設計處系統表及經過紀實

⑩ 軍事教育處系統表及經過紀實

⑪ 兵站總監部系統表及經過紀實

丙、附錄

(一) 本會主席常務委員及各廳部處主官姓名表

(二) 本會改組時之重要命令

國民政府軍事委員會經過紀實

中華民國十四年三月十二日我總理逝世於北京時革命尚未成功軍閥官僚盡國病民依然如昔本黨同志上承總理遺訓繼續努力國民革命用於同年七月變更大本營制度成立國民政府於廣州而我軍事委員會亦即於同時成立職掌海陸空各軍軍令軍政事宜公布組織法十一條會內設委員若干人中推一人爲主席一人爲軍事部長設參謀部祕書廳海軍局軍需局航空局政治訓練部兵工廠任蔣中正爲主席譚延闓爲軍事部部长李濟深爲參謀部部长馬文車爲祕書廳廳長潘文治爲海軍局局长彭聶敗爲軍需局局长陳公博爲政治訓練部主任張靜愚爲航空局局长吳鉄城爲兵工廠廠長十五年七月北伐開始國民革命軍總司令部成立將參謀部海軍局軍需局政治訓練部航空局改隸總司令部兵工廠改轄廣東省政府會內僅存祕書廳鄂贛湘繼克復中央黨部國民政府於十一月移南昌復於十六年一月連同本會遷武漢二月間本會改組爲中央執行委員會軍事委員會修正組織大綱爲六章二十四條於三月三十日第二次公布之三月十九日南京克復國民政府遵總理之遺志定都南京本會亦隨而遷甯復經修正組織大綱爲十三條於七月十二日第三次公布之此時甯漢兩方黨爭益劇經長時之醞蓄爲顯著之分離北伐進程因而停頓迨七月蔣總司令及胡漢民孫科鄧澤如吳敬恆諸委員相

偕引去總司令部無人負責遂由本會接收於八月十七日發布訓令如下（爲令遵事查總司令宣佈辭職所有總司令部任務統由軍事委員會負責繼續辦理總司令部原設各處除名義上改爲軍事委員會各處以外一切人員職責毫無變更爲此令仰各該處長主任即便轉飭所屬遵照務須努力辦公照常服務毋怠毋荒是爲至要切切此令）當時因縮小編制將總司令辦公廳總參議辦公廳審計處訓練處特務處一併取消軍務處歸併於參謀處參謀長辦公廳改爲總辦公廳其餘各部處改爲軍事委員會之各部處所有主任官仍舊有不在京者由次級人員代理時總辦公廳主任由參謀處處長陳焯兼代秘書處處長由張士仁代軍械處處長爲黃公柱交通處處長爲陸福廷副官處處長由林益簡代軍醫處處長爲陳方之由科長陳宗棠代政治訓練部主任爲劉文島兵站總監爲俞飛鵬由參謀長黃振興代航空處處長爲黃秉衡由科長金巨堂代旋即另任航空處黨代表張靜愚爲處長軍法處處長爲趙之任復因總司令部軍需處全部移滬辦理報銷遂另任徐桴繆斌爲經理處處長重行組織並以繆斌兼經理委員會委員長時俞飛鵬黃振興均在滬辦理報銷兵站總監遂由副監劉文藻代嗣陳焯以事辭去本兼各職遂任張治中爲總辦公廳主任參謀處處長以副處長殷祖繩代未幾張治中引去總辦公廳事務遂由少將參事張元祐主持八月二十二日孫傳芳儉首都安危一髮當時甯漢由分而合漢方委員多已來甯曾經一次

會議決心殲滅此敵遂由常務委員何應欽李宗仁分率勁旅迎擊於前白崇禧率部拊擊於後海軍斷其歸路飛機隊挫其前鋒水陸空並進四面交攻於是龍潭棲霞諸役頑敵披靡幾覆全軍至九月四日戰事終止獲俘三萬餘槍械無算當時本會人員將近兩千雖值時期嚴重餉糈無着皆能精勤不懈昕夕從公曾經一度點名離職者甚少奮勇精神洵屬難能其後殷祖繩辭職參謀處事務由第二科科長朱懷冰維持九月間延張華輔計畫會內一切編制十月六日至八日本會於南京開第一次委員大會議決繼續北伐整理軍隊改良編制充實軍備及改良軍事教育經理衛生諸要案修正本會組織大綱爲十一條於十一月二十五日第四次公布之並改組會內編制設主席團辦公廳參謀廳軍政廳（軍政廳之下設軍務軍醫軍法軍械交通航空六處）總務處經理處軍事教育處審計處政治訓練部兵站總監部任馬曉軍爲主席團辦公廳主任馬曉軍李鐸王澤民賀國光楊杰爲高級參謀張華輔爲參謀廳廳長張元祐副之李健侯朱懷冰黃振興爲參謀廳第一第二第三局局長嚴重爲軍政廳廳長陳誠副之雷鵬爲總務處處長李範一爲交通處處長邱煒副之朱華爲軍務處處長陶樹模爲軍械處處長張靜愚爲航空處處長曹寶清副之陳宗棠代理軍醫處處長嗣改任郝子華爲軍醫處處長陳宗棠副之繆斌爲經理處處長黃經明爲審計處處長林翔爲軍法處處長陶冶公代理政治訓練部主任劉文藻爲兵站監劉士毅爲軍事教

育處處長當總司令去職時各職員多引去以船舶運輸司令部及中央軍事政治學校爲最經理負責無人遂設清查委員會由各廳部處派員組織之任審計處處長黃經明爲委員長十月唐生智叛本會奉國民政府討伐令由白程兩委員督師西征設長江上游辦事處於漢口任參謀廳廳長張華輔爲主任由各廳部處派員合組之參謀廳廳長職務交由副廳長張元祐主持時參謀廳第三局局長黃振興因公赴粵亦由張元祐兼代十七年一月參謀廳第二局局長朱懷冰調充第二十七軍參謀長以陳良佐繼任第三局局長黃振興辭職以王綸繼任時國民革命軍蔣總司令復職二月一日第四次中央執監委員會開會修正本會組織大綱十一條於二月十日第五次公布之決議任蔣中正譚延闓閻錫山楊樹莊馮玉祥程潛朱培德何應欽李濟深李宗仁白宗禧于右任爲常務委員以蔣中正爲主席會內設常務委員辦公廳參謀廳軍政廳總務廳經理處審計處軍事教育處政治訓練部至軍政廳內各處仍舊兵站總監部則改隸國民革命軍總司令部遂將主席團辦公廳改爲常務委員辦公廳總務處改爲總務廳兵站總監部即移交國民革命軍總司令部二月二十三日主席及各常務委員就職三月調馬曉軍陶冶公爲國民革命軍總司令部參議王澤民爲第二路總指揮部總參議派軍械處處長陶樹模赴福建調查兵工廠任楊杰兼常務委員辦公廳主任王繩祖劉傳綬爲高級參謀黃公柱爲軍械處處長戴傳賢爲政治訓練部主任

何思源方覺慧副之嗣黃經明朱華劉士毅先後辭職遂任劉文藻代審計處處長調升常務委員辦公廳上校參謀蔣紹昌爲軍務處處長王繩祖代軍事教育處處長未幾王繩祖任中央陸軍軍官學校校長辦公廳主任遂以陳誠兼代軍事教育處處長並爲監督財政起見呈請中央黨部特設黨代表於經理處以周啓剛任之又繼續設立陸海軍經理法規編審委員會廢械清理委員會及營房設計委員會時軍政廳廳長嚴重赴漢另有任務楊杰調任第一集團軍總司令部參謀長遂任朱紹良爲軍政廳廳長兼代常務委員辦公廳主任調參謀廳第一局局長李健侯爲第七軍參謀長第二局局長陳良佐爲江蘇全省水陸公安管理處教導團大隊長第三局局長王綸爲第一集團軍第一軍團參謀長第三局局長遺缺仍由副廳長張元祜兼任三月下旬主席爲統一事權便利作戰起見任總司令部參謀處長葛敬恩於張華輔未回甯以前暫兼代本會參謀廳廳長陳誠調警備司令五月任常務委員辦公廳上校參謀童翼爲軍政廳副廳長五月杪長江上游辦事處撤消張華輔兼任第四集團軍參謀長七月調王綸回參謀廳任第一局局長軍事教育處裁撤由參謀廳接取營房設計委員會改爲營房設計處任邱鴻鈞爲主任八月上旬中央執監委員第五次大會在首都舉行議決各要案並改組中央軍事各部中旬調朱紹良爲第八師師長任賀國光代常務委員辦公廳主任張治中爲軍政廳廳長下旬任李益滋代理參謀廳第三局局長九月

中旬設立國民政府軍事各部編制起草委員會任何應欽爲主席張治中熊斌爲副主席賀國光李鐸張元祐吳思豫彭起彪朱芳慶吳光宗熊式輝俞飛鵬劉文藻張華輔王世康吳藻華藍騰蛟潘竟爲委員討論參謀本部軍政部訓練總監部及國防會議軍事參議院之編制十月上旬調軍械處處長黃公柱爲上海兵工廠金陵分廠廠長任陳韜爲軍械處處長雙十節國民政府主席及各委員就職中央各部院次第成立交通處營房設計處先後歸併國民革命軍總司令部十月二十四日本會常務會議議決本會於本月結束軍事各部於十一月一日成立嗣因趕辦不及展期至十一月十日結束並經常務會議議決改組辦法國民政府軍事委員會國民革命軍總司令部及海軍總司令部改組爲參謀本部訓練總監部軍政部凡專責機關如本會參謀廳及國民革命軍總司令部參謀處改組爲參謀本部本會政治訓練部歸併訓練總監部軍政廳所轄軍務軍械軍醫軍法各處及總司令部之軍醫軍法交通各處又傷病兵管理委員會會改組爲軍政部之陸軍署（但軍務處之營產科應撥歸軍需署）海軍總司令部改組爲軍政部之海軍署本會軍政廳所轄之航空處改組爲軍政部之航空署本會經理處審計處經理法規編纂委員會及總部之經理處營房設計處改組爲軍政部之軍需署及審核處軍政部之兵工署從新組織之凡事務機關如本會總務廳法規編審委員會及總司令部總辦公廳歸併軍政部之總務廳及各署本會常務委

員辦公廳歸併參謀本部之總務廳總司令部副官處歸併國民政府參軍處及訓練總監部之總務廳及各監處總司令部參議廳酌量分配或裁撤十一月十日奉國民政府令開軍事委員會著即裁撤限十一月十日以前結束所有該管一切事宜分別移交參謀部訓練總監部軍政部辦理等因本會遵于十一月十日完全結束並分別移交清楚呈報國民政府並電知各界而本會至此告終焉

常務委員辦公廳經過紀實

本廳係民國十六年八月由國民革命軍總司令部參謀長辦公廳改組名爲總辦公廳以張治中爲主任張元祐等爲參事童翼蔣紹昌楊鈺等爲參議輔助本會常務委員辦理一切事務嗣張治中辭職赴歐以參謀處長陳焯兼代主任未幾陳亦因事辭職廳務遂由參事張元祐主持是時共產黨乘機思逞孫傳芳偷渡長江謠誑繁興形勢危急幸本會各常務委員每日齊集本廳督率各職員籌畫作戰事宜並親赴戰地指揮一切龍潭告捷強敵殲首都危而復安黨國之幸也

甯漢合作國府改組任命譚延闓以次十四人爲本會主席團常務委員并於十月五日至八日召集本會全體委員舉行第一次大會議決軍隊編制餉章服制等要案甚多並改組本會各廳部處改總辦公廳爲主席團辦公廳下設參謀秘書副官三室以馬曉軍李鐸王澤民賀國光等爲高級參謀并指定馬曉軍爲主任而參議童翼蔣紹昌楊鈺等亦改爲上校參謀又裁撤秘書處將機要科歸并於本廳以王恆爲主任秘書又調前總司令部副官伍樹帆等數人爲本廳副官辦理庶務

十一月西征事起第二三四路各部隊節節向武漢方面進擊十二月第一路軍繼續渡江北伐連克蚌埠徐州本會統籌全局指揮各軍挽栗飛芻籌餉濟械本廳各職員除分調隨軍服務外其在後方者悉秉承

各常務委員之命運籌策盡努力從公固未敢稍耽逸豫也

十七年春第四次中央全體執監委員集會於首都議決改組國府及本會任命蔣中正以次十一人爲本會常務委員并推定蔣中正爲主席改主席團辦公廳爲常務委員辦公廳任楊杰賀國光李鐸王繩祖劉傳綬爲高級參謀以楊杰兼主任其餘職員亦因升遷調補略有變更而內部組織多仍主席團辦公廳舊制未有增損也改組甫竣第二期北伐全軍已分向直魯豫晉猛勇進取旋楊主任調充第一集團軍總司令部參謀長本廳主任由軍政廳廳長朱紹良兼代爾時北伐軍事正急雖作戰事宜完全由國民革命軍總司令部辦理然後方軍政亦極繁雜且本廳各職員調赴前方服務者甚多廳內辦事人員亦較往時忙碌非特與前方戰士分勞蓋亦各盡其天職也

迨平津收復戰事告終各軍縮編爲師漸告成立朱代主任出爲第八師師長乃以賀高級參謀國光代理主任惟賀因兼任第一集團軍整理委員會監督部主任每日須往總司令部辦公故本廳一切事務又由李高級參謀鐸負責辦理此本廳經過之大略情形也

迺者國府改組五院成立本會已定於十月底辦理結束并定於十一月一日成立軍政參謀及訓練總監各部另設本會清理處整理一切未完事件本廳職務從此告終

國民政府軍事委員會參謀廳經過紀實

中華民國十五年七月初旬國民政府（時在廣東）接受中央黨部議決案任命中央執行委員蔣中正爲國民革命軍總司令旋於廣州士敏土廠組織總司令部調黃埔中央軍事政治學校校長辦公廳主任張定璠爲參謀處處長組織參謀處設第一第二第三第四科處員數人調入伍生第二團團長張元祐爲第一科科长調黃埔中央軍事政治學校校長辦公廳科长周德先金佛莊爲第二第三兩科科长任軍事委員會參謀部科长張瑞麟爲第四科科长八月中旬蔣總司令誓師北伐是月下旬令各部處以三分之二人員先由廣州出發越韶關耒陽郴州等處歷二十餘日而抵衡州蔣總司令於是月下旬自廣州起節偕各處處長及各部處所餘三分之一人員於九月中旬抵衡調委金科长佛莊爲總司令部警衛團團長越一週開抵長沙遺第三科科长缺調第一科編纂股長周信代理九月中旬蔣總司令赴鄂督師張處長偕張科长及二分之一人員出發至岳州留二分之一人員設總司令部岳州行營以張科长元祐爲行營參謀處主任並以周科长德先爲長沙行營參謀處主任廣州仍留第四科張科长辦理地圖之製印及補充事宜蔣總司令督師整旅於鄂之李家橋凡匝月至十月初旬繞道湘省赴贛督師調全處三分之二人員隨節由贛之萍鄉袁州新喻高安而抵南昌時十一月中旬事也當蔣總司令移旌時即將岳州行營撤

銷所有人員歸併於武漢行營參謀處主任仍以張科長任之廣州總司令部參謀處主任以軍務處處長張國元兼任是月中旬張處長定璠任贛省政務委員兼南昌市長請辭遂調參事廳主任陳焯充參謀處處長各科人員間有調動並調第二師參謀長周信仍回任第三科科长並令周科長德先代理第一科科长中校參謀謝仁壽主持第二科事務調廣東陸軍測量局長黃思基任第四科科长十六年一月周科長德先赴日本留學遺缺以中校參謀陸權代理並調武昌中央軍事政治學校大隊長沈靜代理第二科科长二月間陳處長調任軍務處長遺參謀處處長職調十九軍副軍長葛敬恩充任周科長信以兼南昌製彈廠廠長職請辭處辦公室主任以中校參謀吳挹峯任之三月中旬蔣總司令督師下游適葛處長因公赴滬以上校參謀徐培根主持處務隨同督戰遂留三分之二人員於南昌行營其餘三分之一隨節由九江而安慶而蕪湖直抵南京留守南昌者以陸科長爲主任是月下旬武漢行營參謀長朱紹良奉蔣總司令電調隨同督師下游行營事宜交由參謀處主任張元祐主持四月初旬共黨勢益猖獗武漢行營有岌岌不可終日之勢遂由張主任率領武漢行營全體人員攜全部案卷並帶有大宗械彈分裝六輪來甯事爲鄧演達偵悉即派其衛隊逮捕因船已下駛幸免於難計自四月六日開行至九日始抵下關南昌行營亦因共黨搗亂之故先行來甯陸沈兩科長均已他就遂以張主任仍回任第一科科长上校參謀殷祖繩